

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov>

**HARI SELASA, 18 OKTOBER 2016, PUKUL 10.00 PAGI**

**Bil. 1**

---

**WAKTU PERTANYAAN-PERTANYAAN MENTERI**

1. **MQT-1343-0013**  
**Dato' Shamsul Anuar bin Haji Nasarah [ Lenggong ]** minta **MENTERI DALAM NEGERI** menyatakan sejauh mana keselamatan negara di semua pintu sempadan dengan negara jiran dan di lapangan terbang di seluruh negara dan apakah kemudahan terkini yang diguna pakai bagi mengesan serta mencegah daripada berlakunya sebarang perkara tidak diingini.
2. **MQT-1343-0018**  
**Dato' Sri Dr. Haji Irmohizam bin Haji Ibrahim [ Kuala Selangor ]** minta **PERDANA MENTERI** menyatakan adakah proses persempadanan yang sedang dijalankan kini dilaksanakan sepenuhnya dengan mengikut undang-undang.
3. **MQT-1343-0011**  
**Puan Nurul Izzah binti Anwar [ Lembah Pantai ]** minta **MENTERI KEWANGAN** menyatakan :-
  - (a) senarai jumlah permohonan Bantuan Rakyat 1Malaysia (BR1M) yang berjaya dan gagal, mengikut negeri dari tahun 2014 hingga 2016; dan
  - (b) perancangan Kerajaan melaksanakan program latihan untuk meningkatkan kemahiran pekerjaan dan pendapatan penerima BR1M.

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov>

**HARI SELASA, 18 OKTOBER 2016, PUKUL 10.00 PAGI**

**Bil. 30**

---

**PERTANYAAN-PERTANYAAN MENTERI**

---

**PERTANYAAN-PERTANYAAN BAGI JAWAB LISAN**

1. PR-1343-L76400  
**Dato' Haji Abdul Rahman bin Haji Mohamad [ Lipis ]** minta **MENTERI PENGANGKUTAN** menyatakan apakah status kenderaan jenazah yang diguna pakai di masjid-masjid. Adakah ia dikategorikan sebagai Kenderaan Perdagangan yang mana cukai jalan dan insuran yang ditetapkan membebankan pihak pengurusan masjid.
2. PR-1343-L76884  
**Dato' Seri Abdul Hadi bin Awang [ Marang ]** minta **MENTERI KEWANGAN** menyatakan sejauh mana hasrat Kerajaan untuk membatalkan cukai GST yang dikenakan kepada rakyat tidak mengira kaya atau miskin dan mengambil mekanisme lain yang lebih adil, saksama dan tidak membebankan rakyat.
3. PR-1343-L77209  
**Tuan Anuar bin Abd. Manap [ Sekijang ]** minta **MENTERI KEMAJUAN LUAR BANDAR DAN WILAYAH** menyatakan jumlah penerima insentif diskaun pinjaman pelajaran MARA bersempena ulangtahun ke-50 serta implikasi kewangan yang terlibat di bawah insentif ini.
4. PR-1343-L76713  
**Tuan Oscar Ling Chai Yew [ Sibü ]** minta **MENTERI KERJA RAYA** menyatakan jumlah peruntukan sebenar yang disalurkan kepada Projek Pan Borneo Highway pada tahun 2016, adakah kos sekarang sudah naik dari anggaran, jelaskan dan bagaimana Kerajaan mengatasi masalah kenaikan kos ini.

5. PR-1343-L75797  
**Datuk Raime bin Unggi [ Tenom ]** minta **MENTERI SUMBER MANUSIA** menyatakan perancangan strategik Kementerian bagi mencapai sekurang-kurangnya 40 peratus tenaga kerja berkemahiran menjelang tahun 2020.
6. PR-1343-L77312  
**Tuan Julian Tan Kok Ping [ Stampin ]** minta **MENTERI KESIHATAN** menyatakan secara terperinci status pembinaan tempat meletak kereta bertingkat di Hospital Umum Sarawak (HUS) serta projek-projek yang berkaitan secara *Public Private Partnership-BLMT*. Senaraikan jangka masa siap bagi setiap projek tersebut serta syarikat yang terlibat.
7. PR-1343-L76093  
**Dato' Haji Ahmad Nazlan bin Idris [ Jerantut ]** minta **MENTERI PENDIDIKAN** menyatakan apakah keberhasilan Program Rintis Pemantapan Profesion Guru (PPG) dalam usaha meringankan beban guru-guru di sekolah dan adakah pihak Kementerian bercadang akan memperluaskan program tersebut ke seluruh negara.
8. PR-1343-L75971  
**Tuan M. Kulasegaran [ Ipoh Barat ]** minta **PERDANA MENTERI** menyatakan apakah status terkini terhadap proses perdamaian nasional yang telah dibentangkan sejak beberapa tahun yang lalu dan apakah pencapaian yang telah dicapai atas proses perdamaian tersebut.
9. PR-1343-L76703  
**Puan Rubiah binti Haji Wang [ Kota Samarahan ]** minta **MENTERI KEMAJUAN LUAR BANDAR DAN WILAYAH** menyatakan kelulusan permohonan projek jalan kampung dan projek lampu jalan di kawasan luar bandar dan statistik kelulusan untuk Parlimen Kota Samarahan.
10. PR-1343-L77108  
**Dato' Ngeh Koo Ham [ Beruas ]** minta **MENTERI PENDIDIKAN** menyatakan bilangan Sekolah Menengah Cina baru yang diluluskan sejak tahun 2000.
11. PR-1343-L75708  
**Datuk Aaron Ago anak Dagang [ Kanowit ]** minta **MENTERI KEWANGAN** menyatakan adakah pihak Kementerian bercadang untuk mengkaji semula polisi pembiayaan rumah bagi membantu golongan muda yang ingin memiliki rumah pertama mereka.
12. PR-1343-L77081  
**Puan Kasthuriraani a/p Patto [ Batu Kawan ]** minta **MENTERI PENDIDIKAN** menyatakan sebab mengapa tidak diluluskan permohonan membina sebuah Sekolah Menengah Tamil di Pulau Pinang memandangkan wujudnya sekolah antarabangsa di Malaysia dan apakah jaminan Kerajaan untuk memberi kelulusan membina sebuah Sekolah Menengah Tamil mengikut slogan 1Malaysia PM Najib Razak. Jika tidak, mengapa.

13. PR-1343-L76464  
**Tuan Che Mohamad Zulkifly bin Jusoh [ Setiu ]** minta **MENTERI PENDIDIKAN TINGGI** menyatakan adakah terdapat sebarang kekangan yang dihadapi oleh Kementerian untuk meneruskan dan mengembangkan lagi pelaksanaan Program MyBrain 15.
14. PR-1343-L77316  
**Tuan Sim Tong Him [ Kota Melaka ]** minta **MENTERI KEWANGAN** menyatakan jumlah masyarakat kaum Portugis yang dibenarkan melabur dalam Amanah Saham Bumiputra ( ASB ) :-
- (a) jumlah terkini mengikut setiap negeri dan syarat-syarat yang diperlukan oleh kaum Portugis untuk melabur dalam ASB; dan
  - (b) apakah jumlah wang terkini keseluruhannya pelaburan kaum Portugis dalam ASB dan ASB 2, ASN.
15. PR-1343-L75521  
**Dato' Sri Hasan bin Malek [ Kuala Pilah ]** minta **MENTERI KESIHATAN** menyatakan berdasarkan keadaan semasa nilai perubatan swasta yang dianggap sebagai pusat rawatan untuk mereka yang berpendapatan tinggi dengan kos rawatan yang tidak mesra rakyat terutama kepada mereka yang berpendapatan sederhana dan rendah, apakah langkah pihak Kementerian dalam mengawal caj yang ada kalanya tidak munasabah serta tidak berpatutan dikenakan kepada pesakit. Apakah ada tindakan yang boleh diambil kepada pusat rawatan yang mengenakan caj yang melampau ini.
16. PR-1343-L75763  
**Tuan Fong Kui Lun [ Bukit Bintang ]** minta **MENTERI KEWANGAN** menyatakan kedudukan rayuan para penyewa Pudu Sentral Kuala Lumpur yang ditamatkan penyewaan dan dikenakan tindakan saman mahkamah berikutan gagal membayar tunggakan sewa gerai akibat urusan niaga perniagaan merosot setelah perkhidmatan bas ekspres berpindah ke Terminal TBS.
17. PR-1343-L75878  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan sejauh manakah Program Pendidikan PERMATA Pintar berjaya melahirkan pelajar "genius" sejak ia dimulakan pada tahun 2011.
18. PR-1343-L76056  
**Dr. Ismail bin Daut [ Merbok ]** minta **PERDANA MENTERI** menyatakan jumlah keseluruhan pusat latihan *Technical and Vocational Education Tertiary (TVET)* milik Kerajaan dan swasta dan nyatakan jumlah pengambilan pelajar-pelajar ke pusat latihan tersebut untuk semester baru 2016-2017.
19. PR-1343-L77045  
**Tuan Mohd Rafizi bin Ramli [ Pandan ]** minta **PERDANA MENTERI** menyatakan semua hartanah komersial yang dimiliki Tabung Haji di Lembah Klang dan bagi setiap hartanah disertakan maklumat nilai, kos pembinaan, peratusan ruang yang disewa berbanding kosong dan peratusan pulangan pelaburan tahunan.

20. PR-1343-L77397  
**Dato' Seri Haji Ahmad Husni bin Mohamad Hanadzlah [ Tambun ]** minta **MENTERI KEWANGAN** menyatakan ada atau tidak tender dilulus oleh Menteri Kewangan tanpa melalui Jawatankuasa Tender. Berapakah bilangannya dan nilai setahun bagi tahun 2014, 2015 dan 2016.
21. PR-1343-L76762  
**Tuan Teo Kok Seong [ Rasah ]** minta **MENTERI PENDIDIKAN** menyatakan:-
- (a) status terkini mengenai pengiktirafan Sijil Peperiksaan Bersepadu (UEC) oleh Kerajaan Malaysia; dan
  - (b) Timbalan Menteri Pendidikan (YB Senator Chong Sin Woon) telah beberapa kali menyatakan secara terbuka sijil UEC akan diiktiraf oleh Kerajaan tidak lama lagi, bilakah Kerajaan akan mengiktiraf sijil UEC.
22. PR-1343-L77311  
**Tan Sri Dato Sri William Mawan Ikom [ Saratok ]** minta **MENTERI KESIHATAN** menyatakan bilangan pesakit Zika dan orang yang disyaki menghidap penyakit Zika setakat ini. Mohon Kerajaan nyatakan juga apakah tindakan proaktif yang telah dan sedang diambil bagi membendung penyebaran penyakit ini.
23. PR-1343-L77001  
**Dato' Kamarul Baharin bin Abbas [ Telok Kemang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan tindakan Kerajaan terhadap syor yang dikemukakan berkenaan kecuaian pegawai Kementerian dan pihak-pihak pakar serta profesional yang berkenaan yang terlibat dalam pemilihan teknologi, perancangan dan pelaksanaan projek loji insinerator yang mengakibatkan loji berkaitan gagal disiapkan dan tidak beroperasi mengikut spesifikasi dan tempoh masa yang ditetapkan yang mengakibatkan pembaziran dana yang diperuntukkan.
24. PR-1343-L75658  
**Tuan Chua Tian Chang @ Tian Chua [ Batu ]** minta **MENTERI PENGANGKUTAN** menyatakan mengapa sayap yang dipercayai milik MH370 yang ditemui di Tanzania tidak dibawa pulang ke Malaysia sebaliknya dihantar ke Australia. Adakah dakwaan kotak hitam MH370 menggunakan bateri yang tamat tempoh adalah benar.
25. PR-1343-L77153  
**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan sama ada akaun 1MDB akan diaudit semula setelah Deloitte Malaysia menarik balik pengesahan kepada Laporan Audit 1MDB untuk tahun Mac 2013 dan 2014. Bilakah 1MDB akan mengemukakan Laporan Audit untuk tahun Mac 2015 dan 2016.

26. PR-1343-L76207  
**Tuan Nga Kor Ming [ Taiping ]** minta **MENTERI PERTANIAN DAN INDUSTRI ASAS TANI** menyatakan apakah tindakan dan rancangan segera Kerajaan untuk meningkatkan hasil produk makanan negara supaya tidak terlalu bergantung kepada import makanan dari negara asing yang kini mencecah paras RM32.1 bilion.
27. PR-1343-L76544  
**Tuan Ignatius Dorell Leiking [ Penampang ]** minta **MENTERI KEWANGAN** menyatakan jika Kerajaan Persekutuan akan memberi pengecualian “GST” atas pembelian tiket penerbangan sama ada pergi ke Sabah ataupun keluar dari Sabah.
28. PR-1343-L76453  
**Tuan Charles Anthony Santiago [ Klang ]** minta **MENTERI KEWANGAN** menyatakan kesudian Kerajaan untuk memansuhkan caj GST ke atas semua ubat dan perkhidmatan kesihatan untuk pesakit barah.
29. PR-1343-L75559  
**Datuk Dr. Makin @ Marcus Mojigoh [ Putatan ]** minta **PERDANA MENTERI** menyatakan :-
- (a) apakah reaksi Kerajaan Persekutuan ke atas permintaan rakyat negeri Sabah dan Sarawak untuk pelantikan anak watan tempatan ke jawatan utama Persekutuan di negeri tersebut; dan
  - (b) menambah bilangan kerusi Parlimen bagi negeri Sabah dan Sarawak kepada 35% seperti yang dihasratkan Perjanjian Malaysia 1963.
30. PR-1343-L75546  
**Datuk Dr. Ewon Ebin [ Ranau ]** minta **MENTERI DALAM NEGERI** menyatakan :-
- (a) sejak diumumkan pada Disember 2014, apakah tindakan-tindakan yang telah diambil oleh pihak Kerajaan ke atas saranan yang dibuat dalam Laporan Suruhanjaya Siasatan Diraja mengenai pendatang asing tanpa izin di Sabah; dan
  - (b) sama ada pihak Kerajaan sedia melaksanakan saranan laporan RCI untuk menggantikan kad pengenalan di negeri Sabah.
31. PR-1343-L76669  
**Tuan Ng Wei Aik [ Tanjong ]** minta **MENTERI PELANCONGAN DAN KEBUDAYAAN** menyatakan tindakan-tindakan yang diambil terhadap Wee Choo Keong, Pengerusi Tourism Malaysia yang bertindak liar di Beijing, China yang turut mengundang reaksi negatif daripada AirAsia dan orang awam serta pelancong-pelancong asing.

32. PR-1343-L76231  
**Tuan Sim Tze Tzin [ Bayan Baru ]** minta **MENTERI DALAM NEGERI** menyatakan sama ada Riza Shahriz bin Abdul Aziz dan Low Taek Jho atau Jho Low berada dalam Malaysia atau sejak bila mereka tidak kembali ke Malaysia. Adakah mereka telah dipanggil siasat oleh pihak polis berkenaan dengan siasatan kes 1MDB dan bila dan di mana pertemuan berlaku.
33. PR-1343-L77133  
**Dato' Mohd Ariff Sabri bin Abdul Aziz [ Raub ]** minta **MENTERI PERTANIAN DAN INDUSTRI ASAS TANI** menyatakan :-
- (a) berapakah tahap kecukupan daging lembu yang diperlukan oleh Malaysia; dan
  - (b) berapakah tahap produksi daging lembu dalam negeri.
34. PR-1343-L77042  
**Tuan Mohd Rafizi bin Ramli [ Pandan ]** minta **MENTERI KERJA RAYA** menyatakan nilai setiap konsesi Lebu Raya EKVE, SUKE dan SKIP, tempoh konsesi dan bantuan kewangan Kerajaan (pinjaman mudah, geran atau lain-lain) yang diberikan; serta jumlah peruntukan yang telah/akan dibelanjakan Kerajaan Persekutuan mengikut tahun dari 2008 hingga 2028 bagi lebu raya-lebu raya ini.
35. PR-1343-L75517  
**Puan Teresa Kok Suh Sim [ Seputeh ]** minta **MENTERI DALAM NEGERI** menyatakan kos pembekalan "simcard" oleh Iris Corporation dan Datasonic Group Berhad dalam tender terbaru mereka. Apakah sebab Kementerian menukar pembekal simcard daripada Iris Corporation kepada Datasonic Group Berhad dan sebab kelewatan pengeluaran pasport di Jabatan Imigresen.
36. PR-1343-L75905  
**Dr. Tan Seng Giaw [ Kepong ]** minta **MENTERI DALAM NEGERI** menyatakan keberkesanan mencegah pengganas di Malaysia.
37. PR-1343-L76454  
**Tuan Charles Anthony Santiago [ Klang ]** minta **MENTERI DALAM NEGERI** menyatakan sebab pihak polis tidak mendakwa pihak berkenaan yang terlibat dalam kes penyelewengan kewangan yang melibatkan seramai 50 wanita di Klang dan Selangor tetapi kes itu dirujuk kepada tribunal pengguna (No. Repot: SRI MUDA/017711/16). Apakah tindakan Kerajaan untuk membanteras penyelewengan kewangan e-commerce.
38. PR-1343-L77044  
**Tuan Mohd Rafizi bin Ramli [ Pandan ]** minta **MENTERI KEWANGAN** menyatakan bayaran yang telah dibuat, peratusan kerja yang siap, bayaran tertunggak bagi kerja yang telah siap dan baki kos menyiapkan kerja bagi setiap "Development Agreement" membangunkan 8 pengkalan udara di antara Kerajaan Malaysia dan 1MDB setakat Oktober 2016.

39. PR-1343-L77384  
**Tuan Ramkarpal Singh a/l Karpal Singh [ Bukit Gelugor ]** minta **MENTERI SUMBER MANUSIA** menyatakan langkah-langkah yang diambil untuk mengelak berlakunya tragedi yang menimpa Chin Khoon Sing baru-baru ini yang mana satu "*crane hook*" telah terjatuh dari tapak pembinaan sebuah hotel di Jalan Raja Chulan yang telah mengakibatkan kematian beliau.
40. PR-1343-L76201  
**Puan Teo Nie Ching [ Kulai ]** minta **MENTERI DALAM NEGERI** menyatakan hasil siasatan terhadap Ali Tinju yang membuat ugutan Maria Chin " tidak akan berjalan di atas bumi".
41. PR-1343-L76035  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI PENDIDIKAN** menyatakan sejauh manakah perkembangan inisiatif pengumpulan data berdasarkan nisbah 90:10 di peringkat negeri Sabah bagi merealisasikan matlamat untuk melantik 90% anak-anak Sabah sebagai guru dalam tempoh tiga tahun telah dilaksanakan.
42. PR-1343-L75830  
**Tuan Gobind Singh Deo [ Puchong ]** minta **PERDANA MENTERI** menyatakan apakah faktor-faktor yang diambil kira oleh Suruhanjaya Pilihanraya (SPR) di dalam melaksanakan proses persempadanan semula kawasan pilihan raya yang dicadangkan baru-baru ini.
43. PR-1343-L77187  
**Tuan Jeff Ooi Chuan Aun [ Jelutong ]** minta **MENTERI PENGANGKUTAN** menyatakan apakah rancangan strategik jangka pendek bagi meningkatkan prasarana dan mutu perkhidmatan feri di Pulau Pinang.
44. PR-1343-L76256  
**Tuan Haji Nasrudin bin Hassan [ Temerloh ]** minta **MENTERI PELANCONGAN DAN KEBUDAYAAN** menyatakan usaha yang telah diambil Kementerian bagi menjayakan kempen Tahun Melawat Pahang pada 2017.
45. PR-1343-L76149  
**Puan Alice Lau Kiong Yieng [ Lanang ]** minta **MENTERI KEWANGAN** menyatakan jumlah hasil dari GST pada tahun 2016 dan sama ada Kerajaan akan terus memberi BR1M jika hasil kutipan tidak tercapai anggaran iaitu RM39 billion.
46. PR-1343-L76103  
**Dato' Hasbullah bin Osman [ Gerik ]** minta **MENTERI KEWANGAN** menyatakan :-
- (a) berapa banyakkah kes penipuan Cukai GST yang telah dikenalpasti semenjak dikuatkuasakan; dan
  - (b) apakah hukuman yang dikenakan bagi memberi kesedaran terhadap pesalah.



47. PR-1343-L77415

**Dato' Seri Tiong King Sing [ Bintulu ]** minta **PERDANA MENTERI** menyatakan apakah langkah-langkah jangka panjang dan pendek serta projek pembangunan yang dilaksanakan Kerajaan sebagai suntikan bagi memacu ekonomi negara.

**ATURAN URUSAN MESYUARAT DAN USUL-USUL**

1. (D.R.5/2016) Rang Undang-undang Ordinan Peguam Bela (Sabah) (Pindaan) 2016 – **Menyambung semula perbahasan atas masalah, “ Bahawa Rang Undang-Undang ini dibacakan kali yang kedua sekarang, “ ( 17 Oktober, 2016 )**  
  
[ Menteri di Jabatan Perdana Menteri ]
2. (D.R.12/2016) Rang Undang-Undang Bank Pelaburan Infrastruktur Asia 2016 **Bacaan Kali Yang Kedua**  
  
[ Menteri Kewangan ]
3. (D.R.14/2016) Rang Undang-Undang Perancangan Bandar dan Desa (Pindaan) 2016 “  
  
[ Menteri Kesejahteraan Bandar, Perumahan dan Kerajaan Tempatan ]
4. (D.R.13/2016) Rang Undang-Undang Mahkamah (Kaedah-Kaedah Pemulaan Tindakan Sivil) 2016 “  
  
[ Menteri di Jabatan Perdana Menteri ]
5. (D.R.16/2016) Rang Undang-Undang Pentadbiran Undang-undang Islam (Wilayah-Wilayah Persekutuan) (Pindaan) 2016 “  
  
[ Menteri di Jabatan Perdana Menteri ]
6. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan sebahagian pinjaman yang diberikan oleh Kerajaan Malaysia sebanyak RM500 juta kepada Small Medium Enterprise Development Bank Malaysia Berhad (SME Bank), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Lima Ratus Juta (500,000,000) unit saham biasa pada RM1 bagi satu unit saham”.

7. **Dato' Seri Abdul Hadi bin Awang [ Marang ]** akan mencadangkan:-

"Bahawa Dewan ini memberikan kebenaran menurut Peraturan Mesyuarat 49 (1) kepada Yang Berhormat Ahli bagi kawasan Marang untuk mencadangkan suatu Rang Undang-undang Ahli Persendirian bernama Rang Undang-undang Mahkamah Syariah (Bidang Kuasa Jenayah) (Pindaan) 2016 seperti berikut:-

i. menggantikan Seksyen 2 dengan seksyen berikut:

**"2.** Mahkamah Syariah akan mempunyai kuasa ke atas seseorang penganut agama Islam dan di dalam hal-hal kesalahan di bawah perkara-perkara yang disenaraikan di dalam Butiran 1 Senarai Negeri di bawah Jadual Kesembilan Undang-Undang Persekutuan."; dan

ii. memasukkan selepas seksyen 2 dengan seksyen berikut:

**"2A.** Dalam menjalankan undang-undang jenayah di bawah Seksyen 2 Mahkamah Syariah berhak menjatuhkan hukuman yang dibenarkan oleh undang-undang syariah berkaitan hal-hal kesalahan yang disenaraikan di bawah seksyen yang disebutkan diatas, selain dari hukuman mati."

**[ Menteri di Jabatan Perdana Menteri ]**

8. PR-1343-U75583

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kesan pemanasan global telah mencapai satu tahap yang amat serius di mana disebabkan peningkatan paras air laut, terdapat banyak sawah-sawah padi tidak lagi dapat ditanam dengan tanaman padi disebabkan sawah-sawah padi ini telah dicemari dengan air masin. Dan mengambil maklum juga bahawa kesan daripada fenomena ini, para petani terutama sekali mereka yang menanam padi di sawah-sawah padi yang berkedudukan tanah rendah atau pesisir pantai kehilangan punca pendapatan dan sekaligus kualiti hidup mereka turut terjejas. Dan mengambil maklum juga bahawa, sebagai langkah mitigasi bagi memulihkan ekonomi para petani ini, Kerajaan hendaklah membantu mereka dengan memperkenalkan tanaman bernilai komersial lain, yang sesuai ditanam di sawah yang dimasuki air masin tersebut seperti penanaman kelapa pandan dan sebagainya. Dan mengambil maklum juga bahawa penyediaan dan pengorekan perparitan untuk meninggikan paras tanah yang dimaksudkan di atas, di kawasan yang terlibat akan membolehkan kawasan yang terlibat tidak ditenggelami air masin. Maka, bagi menangani masalah ini, Dewan ini hendaklah mengambil ketetapan bahawa, di samping menangani isu pemanasan global secara serius, Kerajaan juga harus segera membantu para petani (atau pesawah padi) dalam mengusahakan semula sawah-sawah padi mereka yang terjejas oleh fenomena ini, dengan memperkenalkan tanaman bernilai komersial yang baru di tanah tersebut."

**[ Menteri Pertanian dan Industri Asas Tani ]**

## 9. PR-1343-U75584

**Datuk Dr. Makin @ Marcus Mojigoh [ Putatan ]** akan mencadangkan:-  
 "Bahawa Dewan ini mengambil maklum bahawa dengan purata hujan tahunan negara kini telah meningkat sering kita dengar tentang keadaan banjir kilat yang telah banyak menyebabkan kemusnahan harta benda, ameniti sosial, kerosakan alam sekitar dan lain-lain yang menjangkau jutaan ringgit nilainya. Dan mengambil maklum juga bahawa keadaan banjir ini ditambah burukkan lagi di mana banyak kolam dan paya ditimbus bagi pembangunan hartanah dan sebagainya. Ini menyebabkan sungai-sungai dan terusan tidak lagi dapat menampung jumlah air yang mengalir secara mendadak. Dan mengambil maklum juga bahawa, sebagai langkah mitigasi, kolam-kolam air yang luas boleh diwujudkan dalam sesuatu kawasan bagi menampung air hujan lebat yang turun sebelum ianya mengalir ke sungai-sungai dan terusan, sekali gus dapat mengurangkan kejadian banjir kilat. Dan mengambil maklum juga bahawa, takungan air di kolam-kolam tadi boleh juga dirawat dan disalurkan ke empangan bekalan air yang mana boleh digunakan sebagai air terawat oleh para pengguna. Dan mengambil maklum juga bahawa air daripada takungan kolam itu juga boleh disalurkan kepada industri-industri yang memerlukannya di samping digunakan untuk menyiram tanaman atau taman-taman. Maka, bagi menangani masalah banjir kilat ini, dewan yang mulia ini hendaklah mengambil ketetapan bahawa Kerajaan hendaklah mensyaratkan bahawa sebelum sesuatu zon itu dibangunkan, satu kawasan kolam takungan air hendaklah disediakan bagi maksud di atas."

**[ Menteri Sumber Asli dan Alam Sekitar ]**

## 10. PR-1343-U75585

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, ramai graduan serta lulusan sekolah menengah tidak berpeluang untuk mendapatkan kerja dan kebanyakan mereka ini akhirnya hanya berlegar di kampung masing-masing dan tidak berpendapatan. Dan mengambil maklum juga bahawa, masih banyak peluang-peluang perniagaan yang boleh diusahakan di kampung-kampung sekiranya mereka yang berminat mendapat latihan, bimbingan dan bantuan kewangan yang secukupnya. Dan mengambil maklum juga bahawa pihak Kerajaan telah beberapa kali mengutarakan program pembangunan desa seperti program satu kampung satu industri, namun belum ada lagi program seumpamanya yang benar-benar berjaya. Dan mengambil maklum juga bahawa kebanyakan bekalan bahan mentah bagi penghasilan produk makanan, herba, tenusu dan lain-lain lagi boleh didapati di kampung-kampung dengan mudah. Dan mengambil maklum juga bahawa, melalui program "cottage industry" bukan sahaja penduduk kampung yang terlibat dalam program ini akan mendapat manfaat, malah negara secara keseluruhannya akan mendapat manfaat daripada aliran aktiviti ekonomi yang dijana.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan merumuskan satu mekanisme yang lebih efektif bagi menggalakkan penglibatan penduduk kampung dalam aktiviti "cottage industry" yang mana akan dapat membawa manfaat kepada 15-20 orang daripada setiap kampung."

**[ Menteri Kemajuan Luar Bandar dan Wilayah ]**

11. PR-1343-U75586

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kos sara hidup keluarga telah meningkat dengan mendadak dan ini dapat dirasakan begitu hebat sekali oleh mereka daripada golongan berpendapatan rendah. Dan mengambil maklum juga bahawa teknologi solar yang terdapat pada hari ini dapat membekalkan tenaga elektrik dengan murah dan mesra alam. Dan mengambil maklum juga bahawa kadar penurunan hujan di negara ini agak tinggi dan boleh membekalkan bekalan air mentah yang cukup sekiranya ditadahkan dan disimpan dengan baik. Maka, bagi meringankan kos sara hidup keluarga terutama sekali mereka yang dari golongan berpendapatan rendah, Dewan yang mulia ini hendaklah mengambil ketetapan bahawa, semua pembinaan PPRT yang baru hendaklah dilengkapi dengan sistem tenaga solar dan tangki tadahan air bagi membolehkan pemilik rumah tersebut menurunkan sedikit kos sara hidup keluarga mereka."

**[ Menteri Kesejahteraan Bandar, Perumahan dan Kerajaan Tempatan ]**

12. PR-1343-U75587

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, terdapat desas-desus bahawa pencarum Kumpulan Wang Simpanan Pekerja (KWSP) yang masih menabung dalam KWSP, yang telah mencapai umur 75 tahun, yang dikatakan mencecah jumlah 260,000 orang, tidak lagi dibayar dividen ke atas simpanan mereka di dalam KWSP, seperti yang disiarkan oleh akhbar The Sun Daily. Dan mengambil maklum juga bahawa, kekeliruan ini adalah disebabkan oleh polisi KWSP yang dikeluarkan pada tahun 2008, melalui Akta KWSP 1991 yang menerangkan bahawa simpanan para pencarum yang telah mencapai umur 75 tidak akan dibayar dividen. Dan mengambil maklum juga bahawa para pesara yang masih menyimpan akaun dengan pihak KWSP masih memerlukan sumber pendapatan yang terurus dengan kadar pulangan yang baik dan KWSP dikatakan memberikan kadar pulangan yang baik serta terjamin selamat. Maka, bagi menangani masalah ini dan membela nasib para pendeposit KWSP yang dimaksudkan, Dewan yang mulia ini hendaklah mengambil ketetapan bahawa Kerajaan hendaklah segera meminda Akta 1991 dan membatalkan polisi KWSP 2008 bagi memastikan agar para pencarum atau penabung KWSP menerima dividen selagi mereka masih mempunyai akaun yang aktif dengan KWSP."

**[ Menteri Kewangan ]**

13. PR-1343-U75588

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kos barangan dan kos sara hidup di negeri Sabah adalah antara yang tertinggi di negara ini dan polisi kabotaj, dikatakan sebagai antara penyebab utama keadaan ini berlaku. Dan mengambil maklum juga bahawa, akibat polisi kabotaj ini, kapal-kapal dagang dari luar negara tidak dibenar memunggah dan mengangkut barangan dari mana-mana pelabuhan di Malaysia kecuali di Pelabuhan Klang. Ini menyebabkan barangan tersebut terpaksa di angkut semula dengan kos tambahan ke pelabuhan-pelabuhan di negeri Sabah dan Sarawak. Dan mengambil maklum juga bahawa disebabkan polisi kabotaj ini, kadar caj penghantaran antara pelabuhan ditetapkan oleh pihak perkapalan dengan kawalan terhad oleh pihak Kerajaan. Misalnya, caj penghantaran kontena 20 kaki dari pelabuhan Klang ke pelabuhan Kota Kinabalu ialah RM2,436, ke pelabuhan Sandakan RM3,235 dan ke pelabuhan Tawau RM3,336. Ternyata caj ini adalah terlalu tinggi jika dikira dari segi jarak batu nautika antara pelabuhan berbanding dengan caj penghantaran di pelabuhan-pelabuhan lain. Maka, bagi menangani masalah ini serta mengimbangi harga barangan dan kos sara hidup di negeri Sabah, Dewan yang mulia ini hendaklah mengambil ketetapan bahawa Kerajaan hendaklah segera membatalkan polisi kabotaj ini bagi meringankan beban rakyat Sabah dan Sarawak khususnya."

**[ Menteri Kewangan ]**

14. PR-1343-U75589

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa kebanjiran warga asing ke negara ini telah membawa budaya yang kurang baik di negara ini di mana mereka dengan sewenang-wenangnya membuang sampah merata-rata dan ini dapat kita lihat di kota-kota besar pada hujung minggu di mana mereka ini keluar beriadah. Dan mengambil maklum juga bahawa, sejak akhir-akhir ini, penduduk tempatan juga telah mula dijangkiti dengan sikap kutu sampah yang dimaksudkan di atas, di mana penduduk tempatan juga mula membuang sampah merata-rata. Dan mengambil maklum juga bahawa penularan pelbagai jenis penyakit bawaan vektor, tikus, lipas dan lalat, pembuangan sampah merata-rata telah menambah-burukkan lagi ancaman kesihatan di negara ini. Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah memindah undang-undang bagi menghukum kutu-kutu sampah dengan hukuman lebih berat lagi disamping menggalakkan lebih banyak usaha untuk kitar semula dijalankan."

**[ Menteri Kesejahteraan Bandar, Perumahan dan Kerajaan Tempatan ]**

15. PR-1343-U76223

**Tuan Nga Kor Ming [ Taiping ]** akan mencadangkan:-

“Bahawa Dewan yang mulia ini meluluskan satu ketetapan supaya Laporan Ketua Audit Negara berkenaan dengan isu 1 MDB (1 Malaysia Development Bhd) dibentang dan dikemukakan untuk perbahasan di Dewan Rakyat dengan kadar segera.”

**[ Perdana Menteri ]**

16. PR-1343-U76225

**Tuan Nga Kor Ming [ Taiping ]** akan mencadangkan:-

“Bahawa Dewan yang mulia ini meluluskan satu ketetapan supaya YAB Perdana Menteri dan seluruh anggota Menteri Kabinet mengisytiharkan harta dan aset mereka kepada Dewan Rakyat tiap-tiap tahun pada bulan Disember.”

**[ Perdana Menteri ]**

17. PR-1343-U76226

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan supaya mengesyorkan kepada DYMM Seri Paduka Baginda Yang Di Pertuan Agong untuk menubuhkan satu Suruhanjaya Diraja supaya menyiasat dan mengemukakan laporan siasatan terhadap skandal kewangan 1MDB dengan kadar segera."

**[ Perdana Menteri ]**

18. PR-1343-U76228

**Tuan Nga Kor Ming [ Taiping ]** akan mencadangkan:-

"Bahawa Dewan yang mulia ini meluluskan satu ketetapan selaras dengan titah Majlis Raja-Raja Melayu dimana Akta Majlis Keselamatan Negara 2016 dibentang dan dikaji semula di Dewan Rakyat dengan kadar segera."

**[ Perdana Menteri ]**

19. PR-1343-U77356

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum, Parlimen sepatutnya mengambil maklum kes penembakan Lucas a/l Asirvatham dari Ipoh semasa bekerja di kebunnya di Chemor Perak pada 11 Ogos 2016 oleh seorang bekas pegawai kanan polis.

Kes penembakan tersebut perlu disiasat secara ketat dan efektif melalui penubuhan sebuah badan jawatankuasa yang bebas dan integriti serta laporannya diumumkan kepada orang ramai (made public)."

**[ Menteri Dalam Negeri ]**

20. PR-1343-U75910

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan langkah-langkah untuk mencegah pengganas di Malaysia."

**[ Menteri Dalam Negeri ]**

21. PR-1343-U75911

**Dr. Tan Seng Giaw [ Kepong ]** akan mencadangkan:-

"Bahawa Dewan ini memperbincangkan dasar penyelenggaraan semua jenis pengangkutan di negara".

**[ Menteri Pengangkutan ]**

22. PR-1343-U75794

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan mempergiatkan usaha untuk meyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 59 tahun lalu supaya mereka boleh hidup dengan aman dan saling memerlukan dan memahami antara satu sama lain bagi memudahkan mereka membangunkan ekonomi negara secara bersama dan merealisasikan impian Malaysia."

**[ Perdana Menteri ]**

23. PR-1343-U75795

**Tuan Fong Kui Lun [ Bukit Bintang ]** akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urustadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

**[ Menteri Kesejahteraan Bandar, Perumahan dan Kerajaan Tempatan ]**



24. PR-1343-U75707

**Tuan Loke Siew Fook [ Seremban ]** akan mencadangkan:-

"Bahawa Dewan ini merakamkan sekalung tahniah dan setinggi-tinggi penghargaan kepada wira dan wirawati negara yang telah mengharumkan nama negara di Sukan Paralimpik dan Olimpik 2016 di Rio De Janerio. Kejayaan Mohamad Ridzuan Mohamad Puzi acara 100 meter, Muhammad Ziyad Zolkefli acara lontar peluru dan Abdul Latif Romly acara lompat jauh merangkul tiga pingat emas pertama untuk Malaysia dalam Sukan Paralimpik serta dua rekod dunia yang dicapai oleh mereka adalah satu kejayaan yang luar biasa dan sangat membanggakan. Atlet wanita Siti Noor Radiah Ismail yang memenangi pingat gangsa dalam acara lompat jauh di Sukan Paralimpik juga merupakan satu pencapaian yang membanggakan. Dewan ini juga merakamkan ucapan setinggi-tinggi tahniah terhadap atlet-atlet negara yang memenangi 4 pingat perak dan 1 pingat gangsa di Sukan Olimpik Rio 2016 iaitu pemenang pingat perak dalam acara badminton perseorangan lelaki Dato Lee Chong Wei, badminton beregu lelaki Goh V Shem-Tan Wee Kiong, badminton beregu campuran Chan Peng Soon-Goh Chan Ying dan pemenang pingat perak dalam acara terjun Pandelesa Rinong-Chan Jun Heong serta pemenang pingat gangsa acara berbasikal keirin Azizulhasni Awang. Atlet-atlet tersebut telah mencapai keputusan yang terbaik untuk kontijen Malaysia dalam sejarah penyertaan negara dalam Sukan Olimpik dan kejayaan tersebut harus dibanggakan oleh seluruh rakyat Malaysia."

**[ Menteri Belia dan Sukan ]**

25. PR-1343-U77348

**Tuan Liew Chin Tong [ Kluang ]** akan mencadangkan:-

"Bahawa Dewan ini bersetuju mengurangkan peruntukan untuk JPM dan menyalurkan kepada peruntukan bagi hal ehwal pendidikan, pengangkutan awam, kesihatan dan kebajikan rakyat. Peruntukan untuk Jabatan Perdana Menteri telah dihadkan tahapnya pada tahun 2008 iaitu masing-masing sebanyak RM3.4 bilion bagi peruntukan pengurusan dan RM3.5 bilion untuk pembangunan. Ini membawa kepada jumlah keseluruhan sebanyak RM6.9 bilion. Berbanding 2016, anggaran peruntukan pengurusan dan pembangunan telah melepasi tahap ditetapkan pada 2008 tersebut iaitu masing-masing sebanyak RM5.9 bilion dan RM14 bilion yang membawa kepada jumlah keseluruhan RM20 bilion."

**[ Menteri Kewangan ]**

26. PR-1343-U77349

**Tuan Liew Chin Tong [ Kluang ]** akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi 100 juta oleh Kementerian Pertahanan, mesti dibawa ke Parlimen dibahas dan diaudit oleh Jabatan Audit Negara supaya untuk syarat meneruskan pembelian ini."

Ini juga bertujuan untuk mempertingkatkan integriti dan keberkesanan pembelian sistem pertahanan. Ini adalah diakibatkan oleh pembelian Kapal Selam Scorpene telah menimbulkan banyak persepsi negatif terhadap negara."

**[ Perdana Menteri ]**

27. PR-1343-U76870

**Tuan Hee Loy Sian [ Petaling Jaya Selatan ]** akan mencadangkan:-

"Bahawa Dewan ini mendesak Kerajaan Persekutuan untuk siasat dan menangkap Malaysian Official No.1 yang disebut oleh Jabatan Kehakiman Amerika Syarikat dalam kes yang memindahkan sejumlah wang lebih USD1 billion daripada 1MDB ke akaun peribadi Malaysian Official No.1."

**[ Menteri Dalam Negeri ]**

28. PR-1343-U77437

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

**[ Menteri Dalam Negeri ]**

29. PR-1343-U77438

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga simati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

30. PR-1343-U77439

**Tuan Manivanan a/l Gowindasamy [ Kapar ]** akan mencadangkan:-

“Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia.”

**[ Menteri Pelajaran ]**

**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2016</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.72	Laporan Tahunan dan Penyata Kewangan Lembaga Perkhidmatan Kewangan Labuan Bagi Tahun 2015	18 Oktober 2016
ST.73	Laporan Tahunan dan Penyata Kewangan Yayasan Laporan Kewangan (FRF) Bagi Tahun 2015	18 Oktober 2016
ST.82	Laporan Tahunan dan Penyata Kewangan Suruhanjaya Pengangkutan Awam Darat (SPAD) Bagi Tahun 2015.	18 Oktober 2016
ST.83	Laporan Tahunan dan Penyata Kewangan Kumpulan Wang Persaraan (Diperbadankan) (KWAP) Bagi Tahun 2015.	18 Oktober 2016
ST.85	Laporan Tahunan dan Penyata Kewangan Agensi Inovasi Malaysia (AIM) Bagi Tahun 2015.	18 Oktober 2016